

Inspector Karel Jeandor cu mensahe, e.o pa hubentud:

# Durante parada polis ta bon prepara cu e maximo personal riba caminda

ORANJESTAD (AAN) — Inspector sr. Karel Jeandor a concede DIARIO un entrevista relaciona cu e ultimo desaroyonan of incidentenan cu a sosode rond di nos carnaval di 2005, y tur e actividadnan cu a tuma lugar den "Carnaval 57", entre otro eleccion di Reina, Parada di Luz, Parada di Mucha, etc., como tambe riba con polis ta bay traha e siman aki y durante Parada Grandi.

Inspector Jeandor a comenta cu diahuebs a cuminsa cu e actividad yama "Hebe hebe" na Playa cual riba su mes tabata hopi bon, pero despues tabata tin aki y aya algun incidente causa pa hende bao influencia di alcohol, y algun bringamento.

Ademas tabata tin algun accidente di auto cu e ta relaciona cu hendenan cu a "bebe un tiki di mas".

Diabierna tabata tin eleccion di Reina cu a bay sublime, segun e funcionario policial, kende a gaba e bon comportacion di e publico tanto durante como despues di e actividad.

Jeandor a sigui cu e Parada di Luz, unda den e parti di publico a surgi bastante pelea bao di nos hobennan, cu supuestamente no kier a tende. Inspector Jeandor a subraya cu mester cuminsa actua, pasobra si e hobennan aki ta kere cu nan ta hende grandi caba polis tin cu actua como hende grandi cu nan tambe.

Pa tal motibo, polis a bin bon prepara pa e Parada di Mucha, pero esaki a bay sublime riba su mes, fuera di un par di incidente unda cuatro persona a keda deteni, pasobra nan kier a haci di mas.

Polis tabata prepara pa e grupo di hobennan cu por a pensa cu nan ta bay kibra e bunita di e carnaval.

Inspector Jeandor a splica cu polis a prepara su "Comando Post" riba mesun caminda cu añanan anterior, y a haya bon cooperacion di Valero. Nan a dirigi e carnaval for di eynan, y tambe polis a introduci un sistema nobo cu cooperacion di radio amateurnan, cu e sistema di GPS, na kendenan sr. Jeandor ta manda palabranan di danki.

El a splica cu door di e sistema aki nan por a mira for di e "Comando Camber" kico ta pasando den carnaval, unda e cabes y e rabo ta e ora ey. E sistema aki tabata hopi efectivo pa ta su prome

biaha, y sr. Jeandor ta spera di haya colaboracion loke ta resta di carnaval e siman aki te diadomingo 13, pa por monitor e parada for di e Centro di Comando".

Inspector Karel Jeandor a expresa e deseonan di Cuerpo Policial pa e dianan cu ta sigui: "Nos deseo semper ta pa tur hende celebra carnaval na un manera sano, sin exceso di bebida, y pa nan corda pa ora nan ta stuur no bebe, y pa percura pa e trafico ta sigur no core duro, y tambe pa nos hobennan no bay busca problema y no kere cu si bo bringa den gang bo ta sinti bo hopi tough pasobra nos tin e resultado pa nan tambe. Nos tin cosnan bon prepara pa nan. Nos a traha cu minimo personal, y otro siman pa e parada grandi lo bay pone nos personal maximo riba caya, y e miembronan di team di aresto cu ta den grupo cana wak, y caminda cu nan mira un grupito ta busca

problema, nos ta aresta nan y trece nan warda", Inspector Jeandor a bisa cu enfasis, pues kieren cu aunke Polis semper ta tolera te cierto limite den carnaval, nan no ta bay laga nada bay for di man. Hendenan cu ta den trailer semper ta keda den nan lugar, y nan no ta duna problema, pero e problema ta bin ora hendenan ta cuminsa stroba e trafico, y den e temponan aki tin un aglomeracion di hoben

dilanti di Royal Plaza, Bahia y demas vecindario di Night Club.

"Nos no tin nada contra cu nan tey, nan por tey, pero no busca problema pasobra tin un ley cu ta bisa cu unda tin aglomeracion di hende polis por actua y kita nan for di eynan.

Nos no kier haya confrontacion cu hende, pero nos kier pa tur hende diverti y pa nos traha trankil", e funcionario di KPA, inspector Jeandor a comenta.



**Ghis-Laine**

Awor ku produktonan nobo ta buska

**Bendedora Freelancer**

Pa bende Perfume, Kosmetika Italiano i lingerie.

**Komishon 30% - 40%**

Jama 588-0362 of pasa na Kaya Frere Bernadinus 12

## LEY PA UN LEY PA TUR!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

**Turibana Plaza**

Tel: 5865455

**Chines Tie**

Antes Afl. 19,95

Awor Afl. 9,95

